

Jacob Ditterich hoth E: f: g: gesageth das her Bey drey Wochenn hir solthe gewesen sein so her Doch nicht vber drey tage hir czu Danczke war do her mir kon. Maj. auß Dennemarckenn meynes genedigen hern Briff hir Brochte Do ich nw E: f: g: Die kopie wy vorgeschriben aussende Bey Dissem Jacob Ditterich Czeiger Disses Briefes.

— Ich habe auch heutte meinen Schipper Jorgen Rosth abgefertigeth Czur Sewerth czu sigelen In Den Sunth vnd Denne forth an kon. Maj. In Dennemarcken meynen genedigen hern wor her seyne kon. Maj. In Dennemarcken mith meynen Brifen offte Ins lanth zu holsthen finden wirth — Also hoffe Ich Das her E: f: g: vff es erste anthwart Schreiben wirth Sunder Ich weiß nicht eb Disses Jacob Ditterich Die wasser kunsth wy her sageth wol außrichten kan, ane Schaden vnd wy den das E. f. g. mith Der czeith wol weither horen wirth. —

E: f: g:
guthwilliger
Diner

Jacob Kampe.

A.-V. Jacob Kampe schreibt des Rohrmeisters Jacob Diterichs halber Item uberschiekt ein Copey vonn Konig v. D. brieff. c. Dat. Danczik Sontags vor mitfasten Anno 1543.

VI. (35).

*Andreas Venzl schreibt dem H. A. eine Zeitung.
1543. 14. Juli. Danzig.*

Ad. Dem Durchleuchtigen hochgebornen fursten vnnd hern hern von gotes gnaden albrecht marggrave zue Brandenburg zue Stedin vnd Pomern der Caschuben vnd wenden haitzog Inn Preusn furst zue Rigen burggrave zue Nurmberg meinem gnedigen fursten und hern hernn.

Durchleuchtiger hochgeborner furst gnediger herr eur F. D. wissenn zuuernemen gehorsame vnderthenige trew vnnd Dienst zuvor gnediger her ich fuege hiemit eur F. D. zue wissenn nach dem ich eur F. D. R.¹⁾ francz mulner geschribenn hab belangt die schlacht zwischenn burgundio vnnd haitzogenn von kleeff so ist di 13. Julli ein schiff von Lubeck ankumen ist 4 tag vonn Lubeck gewest das pringt prief mit vonn hamburg seint 7 tag alt vonn hamburg an etliche hamburger so hie seint welche anzaigenn vnnd In schriftenn habenn das auch der schipper selbst sagt vnnd vonn dem burgermaister von hamburg gehort hat der es auch her

1) Rat?